

今水經注卷三

錢塘吳承志纂

吳興劉承幹校

北水

衛河一名御河漢名為屯氏河

漢志館陶河水別出為屯氏河水道圖說云今山東館陶縣衛河東北流過臨清州及臨清州北之運河過武城縣直隸故城縣景州東光縣蓋其故瀆也館陶以上漢時為清河水又上則淇水沾水也

源出河南衛輝縣西北七里蘇門山東流逕衛輝府城

今水經注卷三

一求恕齋

北一里又東流淇水西北來注之

淇水源出彰德府林縣大號山流逕淇縣

西北三十里合清水清水源出輝縣西南七十里山陽鎮東南流逕獲嘉縣界又東南至淇縣界注于淇淇水又東流入衛

宋志御河源出衛州共城縣百門泉明志云輝縣西

有蘇門山一名百門山山有百門泉泉通百道其下

流為衛水故又名衛源百門泉即古淇水漢志其北

山淇水所出圖說云今河南輝縣百泉水是也水經

濁漳水注引鄭康成尚書注云今河內其北山共水

出焉東至魏郡黎陽入河近所謂降水也淇水一名

共水鄭以為即禹貢降水自是入河巨川說文淇水

出河內其北山或曰出隆慮西山隆慮今林縣漢志
壺關沾水東至朝歌入淇圖說云今謂之淇水出山
西壺關縣東流至河南淇縣入衛河壺關之淇卽出
隆慮西山蓋二水下流互受故上源通得淇名淮南
子地形訓淇出大號注大號山在河內其縣北或曰
在臨慮西亦以淇源有二并大號亦析爲二山水經
主隆慮其北之淇因別名清水經云清水出河內修
武縣之北黑山修武今獲嘉縣治其北卽輝縣黑山
注云在白鹿山東元和志衛縣黑山在縣北五十五
里其城縣白鹿山在縣西五十四里白鹿西接太行

今水經注卷二

二求想齋

黑山又東界淇縣是輝縣以北諸山魏時通名黑山
清水卽今百泉水魏地形志其有栢門山栢門水南
流名太清水栢門卽百門清水卽淇水矣水經注清
水上承諸陂散泉積以成川溪曰瑤溪亦曰瑤澗自
其上源言之今百泉水上源爲五峪口水又西爲小
丹河小丹河卽長清河五峪口水則酈氏所云清水
寰宇記新鄉縣清水去縣北十里西自懷州獲嘉縣
界流入與淇水合其城縣百門陂在縣西北五里陂
南通漳水百門陂與清水爲二本之酈說九域志獲
嘉下云清水與寰宇記同汲下變文言御河以其時

水官經理因淇水舊瀆別立新名獲嘉以下爲清水入御無復清之名也經從宋志又以淇水逕淇縣西北合清水清水至淇縣界注淇水舊文入之注說未免失覈明志彙云輝北有衛水源發蘇門山西南有清水獲嘉北有清水下流入衛河新鄉汲北有衛河淇西北有淇水下流入衛河今昔判然矣

衛水又東過大名府濬縣內黃界漳水入焉

今衛河經濬縣西又東北經內黃西合洹河又東北經內黃北至大名府元城縣東北東昌府冠縣西與漳河支流會明志內黃西北有回隆鎮有回龍廟巡

今水經注卷三

三求恕齋

檢司嘉靖三十六年漳河決於此入衛

至臨清汶水

卽會通河

北流入之過東昌府武城縣界入濟

南府境逕德州城西北過河閒府界去景州城東二十里歷故城吳橋東光縣境下至滄州

衛河至臨清西合運河以下今通名運河乾隆府廳州縣圖志云故城縣運河自山東武城縣流入逕縣南關外復自山東德州界北流逕吳橋景州東光交河與南皮縣分界又東北入滄州界經先德州景州後故城吳橋敘次亦亂

又東北入于海

上經已云白河會衛河爲丁字沽入于海此重出表
云白入海黃花鎮川河潮河入白衛入海淇漳汶潁
桑入衛竟似二河分流入海矣

漳河歷成安廣平肥鄉曲周入于衛河

上經云衛水過大名府濬縣內黃界漳水入焉與此
經不同明志漳河經河南臨漳縣由畿南真定河間
趨天津入海其分流至山東館陶西南五十里與衛
河合永樂九年決張固村河口與滏陽河合流正統
十三年御史林廷舉言漳河至肥鄉堤岸逼隘元時
分支流入衛河以殺其勢永樂閒堙塞舊跡尙存去

今水經注卷三

四求恕齋

廣平大留村十八里宜發丁夫鑿通置閘過水轉入
之而疏廣肥鄉水道從之漳水遂通於衛正德元年
濬滏陽河河舊在任河新店村東北源出磁州經永
年曲周平鄉至穆家口會百泉等河北流成化閒舊
河淤衝新店西南爲新河合沙洛等河入穆家口英
宗時漳已通衛宏治初益徙入御河其後復入新河
巡撫官言穆家口乃眾河之委當從此先而并濬新
舊河令分流漳滏缺隄以漸而築從之自此漳滏匯
流而入衛之道漸堙矣萬厯二十八年給事中王德
完言漳河決小屯東經魏縣元城抵館陶入衛爲一

變其害小決高家口析二流於臨漳之南北俱至成
安東呂彪河合流經廣平肥鄉永年至曲周入滏水
同流至青縣口方入漕河爲再變其害大滏水不勝
漳患在民衛水昔仰漳而今舍漳患在運塞高家河
口導入小屯河費少利多爲上策仍迴龍鎮至小灘
入衛費鉅害少爲中策築呂彪河口固隄障水運道
不資利地方不罹害爲下策命河漕督臣集議不果
行詳志說明初漳水自廣平北東北流合滹沱河其
支流由大畱村東經魏縣元城北至館陶西南合衛
河後西合滏陽河嘉靖中又決廣平西南內黃回龍

今水經注卷三

五求恕齋

鎮東北至元城小灘鎮入衛尋又改徙而西經云歷
成安廣平肥鄉曲周入于衛河蓋合滏陽河歷平鄉
甯晉爲胡盧河東北合滹沱至青縣入衛也下經滹
沱河至阜城縣沙水入焉注沙河至甯晉縣匯爲大
陸澤過冀州境西北至武邑縣北界爲夾河迳阜城
縣西北爲胡盧河卽衛漳之別名也入於滹沱河大
陸澤以下卽漳水合滏陽所行之道經別爲二仍舊
說耳今漳河復徙而東自廣平西南分爲二派一東
流經魏縣元城至冠縣西館陶西南入運河一東北
流經廣平東南至邱縣南又分爲二一東北經威縣

清河故城景州阜城交河至青縣南七十里杜林鎮東合滹沱東派曰老漳河一北流經廣宗鉅鹿至新河西南入北泊自泊東北出合滹沱曰新漳河乾隆府廳州縣圖志云漳水自明以來徙合滏陽 本朝康熙中東徙自邱縣北注甯晉北近年上流經由館陶入衛不合滏陽矣胡盧河宋志云源於西山據泚濟諸河而言今北泊以下通名胡盧河

滹沱河源出山西繁峙縣東北三十里泰戲山歷代州崞縣忻州定襄五臺孟縣

滹沱水一名泐水源出代州繁峙縣東泰戲山有三

今水經注卷三

六求恕齋

泉並導西南流合州境諸水至忻州北境忻口折東南流經定襄五臺孟縣迴環九百里入黑山關又東五十里合衛水漢志常山郡靈壽禹貢衛水出東北東入虜池圖說云今直隸靈壽縣黑山關水東南流入虜池錐指云周禮虜池嘔夷卽禹貢之恆衛也恆卽滹水衛卽滹沱古今異名滹沱卽禹貢衛水靈壽之衛漢人所名爾泰戲山元和志一名武夫山在繁峙縣東南九十里今在縣東北百二十里經作三十里文有譌奪

北入真定府平山縣界逕靈壽縣至真定府城南逕晉

州過保定府境束鹿縣南三十里達於深州至阜城縣
提綱云自平山以下自昔遷徙分合不常今自靈壽
至束鹿所經州縣並與經同束鹿以下分爲二派一
東南流至衡水西北折東北由胡盧河經武邑北交
河西至獻縣別分爲二一東北流合支渠經深州饒
陽南河閒北至保定合會同河乾隆府廳州縣圖志
云束鹿滹沱河舊由縣北界其後漸徙而南明正德
十四年由晉州決入縣境天啟二年再決因徙縣治
以避之 本朝順治十二年康熙五年並由晉州寨
子村決入遂分爲五道皆逕縣南入冀深二州界雍

今水經注卷三

七求恕齋

正三年又東徙決周頭村直衝束鹿城四年始相度
得舊河一道由禾邱南至焦岡入滄河遂至第四溝
開濬深通導之南流自是縣境乃免衝潰之患東南
一派卽自第四溝開濬深通者也東北一派乾隆時
已塞後復通流明志滹沱河明初故道由藁城晉州
抵甯晉入衛其後遷徙不一又云冀州西北有漳水
北有滹沱河成化十八年滹沱挾漳南注爲州患正
德十二年二水自甯晉南北流患始息晉州滹沱河
舊在縣南萬秣二十三年自束鹿縣南行始不經州
境武強南有滹沱河舊合於漳萬秣二十六年北出

饒陽縣境縣之滹沱河始涸衡水北有滹沱河舊與
漳合成化八年北徙不經縣界如志所云自束鹿南
達深州至阜城皆萬厯以前舊道萬厯以後由饒陽
至獻縣不經阜城紀要云滹沱河經束鹿安平深州
饒陽獻縣據明末 國初言矣

沙水入焉沙河在沙河縣治南逕廣平府城五十里下
達雞澤界洛河入之洛河源出遼州太行山
至武安縣柏林里伏流至洛遠里復出東逕
廣平府城北三十五里至雞澤界入于沙河

沙水古澗水紀要云源出湯山洛水即寢水徐堅初
學記引水經注云一名漳水亦曰南易水唐時二水
俱入漳河元和志云雞澤洛漳二水在縣東南二十

今水經注卷三

八求恕齋

五里合流東入平鄉縣界明志平鄉西南有漳河西
有沙河又有洛河東有滏陽河萬厯三十年漳挾滏
陽河北去會於沙洛諸河明初漳洛分流後漳水又
挾滏陽河入洛河今漳滏洛沙四河各自為流沙河
於任縣東入南泊即古大陸澤洛河又在其東入泊
泊水東北出為新豐河至新河西南合新漳河入北
泊又自泊流出經衡水西北合滹沱河
滹沱河歷河間府獻縣城南易水注之至交河縣與高
河合為交河至青縣入于衛

滹沱河東南一支自衡水至獻縣別分二派一經縣

南會者漳河合運河一自縣西分流曰鹽河東北經河間東至大城子牙鎮爲子牙河經靜海文安至三角淀合永定河乾隆府廳州縣圖志云滹沱下流舊皆在今大城文安西北界自宋元來改流二縣之東不經西界又圖經云滹沱之環文安者三支今惟子牙河一支會諸流匯邕奴水今益改而東下流逕會清河達西沽矣邕奴水卽三角淀也明志大城東北有黃汎河源自交河分流至縣境入三角淀黃汎河卽子牙河云自交河分流當時支分在獻縣以東與今不同高河舊自河間流入交河明志交河西北有

今水經注卷三

九求恕齋

高河經縣南合滹沱今堙

元和郡縣志太平寰宇記二書敘棗城以下滹沱水道自今無極深澤束鹿安平饒陽蠡縣肅甯河間高

陽任邱至文安大城入海

禹貢雖指不列肅甯河間又易蠡縣爲博野次之束

鹿之下俱誤宋博野附甯邊軍郭下卽今蠡縣治寰宇記敘軍境云南至安平縣五十里西南至蒲陰縣四十二里是縣南境至今祁州東北安平縣北而止滹沱經安平南焉得過束鹿北卽流涉博野界中也元豐九域志略同宋史河渠志滹沱河由真定深州

乾甯與御河合流神宗熙甯元年河水漲溢詔都水監河北轉運司疏治六年深州祁州永甯軍修新河八年正月發夫五千人并胡盧河增治之元豐四年

正月北外都水丞陳祐甫言滹沱自熙甯八年以後
汎濫深州諸邑爲患甚大諸司累相度不決謂其下
流舊入邊吳宜子淀最爲便順而屯田司懼填淤塘
樂煩文往復無所適從昨差官計之若障入胡盧河
約用工千六百萬若治程昉新河約用工六百萬若
依舊入邊吳等淀約用工二十九萬其工費固已相
遠乞嚴立期會定歸一策詔河北屯田轉運司同北
外都水丞司相視詳史志說熙甯以前滹沱已由安
平徙入胡盧自武強獻縣至青縣合御河續通鑑長編注引舊

史河渠志胡盧河入深州武強縣與滹沱河合流今志同九域志云經安平饒陽

今水經注卷三

十求恕齋

河閒任邱大城及父母李詳二寨乃程昉新河之道
也續資治通鑑長編熙甯六年五月癸丑河北路察
訪副使趙子幾言深州安平縣及永甯軍祁州界開
滹沱河新河七月己丑管勾外都水監丞程昉請於
保定軍東舊滹沱河南岸臺山口東南疏一川行七
十里至乾甯界會於御河詔李南公與昉及屯田司
同詳度竟不行七年正月甲子上言昉昨修漳河聞
漳河歲歲決修滹沱河又卻無下尾王安石曰修漳
河出卻三縣民田滹沱河爲事干塘泊臣以爲滹沱
河舊入邊吳淀亦是塘泊新入洪城淀亦是塘泊卽

淤卻上泊與下泊有何利害之異昉尋奏深州開引
滹沱河水淤田及開回胡盧河并回滹沱河下尾昉
新河起自安平下流至保定縣境初議由縣東引流

至靜海合御河既改由縣西決入雄州洪城淀九域志雄

州歸信有紅城塞紅城即洪城歸信今雄州後又開回下尾由縣北過霸

州東至大城北與唐五代宋初故道相應惟此渠實

未順行陳祐甫言熙甯八年以後汎濫深州諸邑為

患甚大是渠成即散溢別出又云治程昉新河約用

工六百萬長編載是年六月己巳入內東頭供奉官

勾當御藥院竇仕宣言河東北流自大吳向下原作下吳

今水經注卷三

十一 求恕齋

據前後文正與御河葫蘆滹沱三河合流深恐漲水之際

隄防難限乞令都水監定三河合黃河如何作隄防

限隔或不合黃河其三河於何所歸納詔李立之相

度後立之言三河別無回河歸納處須合黃河行流

滹沱仍與胡盧俱合黃河則安平之渠至元豐時已

絕九域志據昉奏入之失未覈矣禹貢雖指云塘灤

興文安之瀆廢蒙按河渠志河北諸水下云太宗瀾

化四年春詔六宅使何承矩等督戍兵萬八千人自

霸州界引滹沱水灌稻為屯田用實軍廩且為備禦

焉霸州所引即文安之瀆瀾化時尙未改徙其南出

當在至道後也邊吳淀在高陽西北

河渠志東起順安軍西邊吳淀

至保州合齊女淀勞淀為一水順安今高陽保州今保定府治何時疏入未詳注長編司馬光日記云永濟河為黃河所截北趨長蘆泊前歲又為黃河所闕會地震李村口決北趨五千渠長蘆泊趨五千淀似即滹沱漲溢之事神宗紀熙寧元年六月乙丑河決東疆縣七月辛卯以河朔地地震命沿邊安撫司及雄州刺史侯遼人動息以聞癸巳疏深州溢水河決地震並與記說合疏深州溢水當是因李村口決疏之益滹沱初決東北入五千淀後導之西北因匯於邊吳淀耳

三國志魏書武帝紀建安十一年鑿渠自呼沱入派水名平虜渠又從洵河口鑿入潞河名泉州渠以通海裴松之注派音孤蒙按水經沽河篇又東南至泉州縣與清河合東入于海清河者派河尾也酈道元

今水經注卷三

十三求怨齋

注清淇漳洹澹易涑濡沽滹沱同歸于海故經曰派河尾也此紀派字當讀為派濁漳水篇注清漳逕章武縣故城西故澹邑也枝瀆出焉謂之澹水東北逕參戶亭分為二瀆應劭曰平舒縣西南五十里有參戶亭故縣也世謂之平虜城淇水篇注清河又北逕浮陽縣故城西又東北滹沱別瀆注焉謂之合口也澹水出焉又東分為二水又東北逕紵姑邑南又東北逕窮河邑南東北至泉州縣北入滹沱水經曰筭溝東南至泉州縣與清河合自下為派河尾也又東泉州渠出焉兩注敘平虜泉州二渠首尾甚備不云

派水知所據本正作派元和郡縣志滄州魯城北伐匈奴開之太平寰宇記清池縣平虜渠在縣南二百步魏建安中于此穿平虜渠以通軍漕北伐匈奴又築城在渠之左與注說並合通鑑注引紀文釋之云李賢曰呼沱舊在饒陽南至曹操因饒河故瀆決令北注新溝水所以今在饒陽北以此渠為在饒陽案李說見後漢書光武紀注不云即平虜渠寰宇記深州饒陽縣枯白馬渠下引通典說與此注同末云後魏刺史楊真以為清甯河瀛州河間縣滹沱河下云輿地志滹沱河在今縣西二十里按河經武垣北後魏太和年刺史王質掘直之楊真改為清甯河東武垣城卽秦所置其故城東微北三十里又有一武垣故城時人謂之東武垣城卽當今郡南二十五里蓋因魏武鑿渠引滹沱水遂移西武垣縣城於此置武垣縣饒陽渠逕武垣北下流似入文安濁漳水經又東北至昌亭與滹沱河會又東北至樂成陵縣北別出所述滹沱水道與章懷說復不相符水經魏人所為滹沱正流經昌亭樂成必無有誤疑平虜渠首本起樂

今水經注卷三

十三求恕齋

成饒河一渠別鑿以分水勢耳元和志饒陽縣滹沱河下不載魏武之說州理城下云公孫泉叛司馬宣王征之鑿滹沱入派水以運糧因築此城蓋滹沱有魯沱之名因號魯口是渠屬之司馬宣王與平虜截然為二渠水北出文安下流應仍入滹沱云派水者文安以北有易滹涑濡沽諸水故不得專舉一名也元和志安平縣別有派水云今名疆河西自定州義豐縣界流入此派水當為派水卽初學記引水經注所云定州派水者派字涉饒陽下派水之一如其說滹沱疑安平與饒陽接壤二水當通合為一如其說滹沱所行卽派水舊瀆章懷何以謂之新溝又派河為清淇漳洹易滹涑濡沽滹沱十水所匯臚說甚明若派水自饒陽北別注清河則派河所受有十一水矣注略不言知古無此水也

易水源出易州閻鄉西山東過涿州南

易水出易州西山龍華店西北東流經州南至定興

西南五里河口合沙河沙河古適蘭河上流合濡水

明志易州西北有窮獨山濡水所出南有易水與濡並東流而為白溝河所謂北易水也 御批通鑑輯覽三易皆出易州自定興西南合拒馬河者曰中易在定興西為沙河者曰北易逕安肅歷安州新安為霍河者曰南易沙河通得易名易水東南經北河村拒馬河自涑水南流來會又東南經定興南至新城南白溝村拒馬河東南一支又自涿州來會經云過涿州南據新城言爾

又東過安州城北保定府境沙河合焉沙河源發山西繁峙縣白坡頭

流逕定州新樂縣界至祁州唐河北來注之唐河源自大同府靈邱縣南逕飛狐口倒馬關過唐縣東南至祁

今水經注卷三

古求恕齋

州入于沙河沙河又逕祁州城西南二十里至博野縣滋河來注之滋河源出靈邱校同山逕行唐縣張茂村伏流不見至真定府界南孟社復出東南流逕無極深澤二縣過祁州城西南三十里入于沙河沙河又東入于易水

易水故道自新城流入容城新安縣境明志云安州北有易水府境九河之水所匯也下流至雄縣南為瓦濟河新安明屬安州易水所匯今白洋諸淀陸氏隴其三魚堂集畿輔八府地圖記白溝河經容城至雄縣南東流矛兒灣入玉帶河一支由容城縣分流至雄縣西三里名黃灣河又經新安流入四角河黃灣河舊為易水經流後分支入矛兒灣其流遂微今

惟雄縣南一支在趙北口東入淀不復至新安矣沙河古滋水源出繁峙東至祁州三岔口合唐河及今滋河爲豬龍河至安州東南入淀乾隆府廳州縣圖志云圖經保定滋沙滹三水舊自蠡縣引流而東歷肅甯之五千淀而達于雄縣之瓦濟河中堡玉帶二河皆其經流處也後自蠡縣北入高陽歷新安雄縣而出任邱之趙北口于故道多湮而玉帶河之名亦移於順天府之保定縣經云安州與今水道合滹水卽唐河古嘔夷水

沙河源發山西繁峙縣白坡頭頭下空闕一字畿輔

今水經注卷三

圭求恕齋

地圖記作白坡頭口口字亦空闕之誤原文作何字未詳滋河源出靈邱枚回山原本作山西放回山校本云考畿輔地圖記作枚回山靈壽縣志云枚回府志原本作放回誤金史繁峙有梅迴鎮今據以改正枚迴之名始見於元和志寰宇記引土地記云鹵城東三十八里有枚迴嶺北與高是山連麓接勢通爲高是山鹵城故城在今繁峙東百里滹沱河源西二十里高是山今恆岳北山經云高是之山滋水出焉而南流注于滹沱滹水出焉東流注于河今滹水出渾源州南恆岳西麓之翠屏山東南流合溫泉水嘔

夷水經太白山北爲唐河太白山南入長城爲巖頭山卽沙水所出放迴在故鹵城東三十八里則在今滹沱河源東十八里放迴當卽巖頭滋水卽沙水矣漢志南行唐牛飲山白陸谷滋水所出此滋水別源今滋河源出五臺縣東烏牛山卽牛飲山水二源古通謂之滋山經舉北以概南漢志舉南以概北是以言各不同北滋水亦曰派水元和志饒陽州理城晉魯口城也公孫泉叛司馬宣王征之鑿滹沱入派水以運糧因築此城安平下云派水今名疆河西自定州義豐界流入義豐下云派水縣西二十五里派水

今水經注卷三

六求恕齋

卽此水派水一名疆河是以又謂之沙河唐書郭子儀傳史思明以衆數萬尾軍及行唐子儀挑之賊引去乘之又破於沙河沙河之名始見於此九域志新樂有派水安平蒲陰博野有沙河上流俱不詳書樂傳引晁說之書傳云今之恆水西南流至眞定府行唐縣東流入于滋水又南流入于衡水恆水古恆陽溪今日小清河其水西南流至行唐當入沙水傳云入滋水明當時尙通名爲滋也明世始分沙滋爲二一統志不能詳考合古今滋水爲一因以沙水所出之山屬之滋水此注俱襲舊文原本作山西放回圖

非校本改從畿輔地圖記作靈邱校回亦誤靈邱在繁峙之北無由與行唐相接且九域志梅迴寨繫繁峙下宋時此山已不入靈邱紀要牽合廣靈滋水尤謬廣靈滋水與沙河中隔漣源與行唐滋河又中隔唐沙兩河如何繞合水經注釋云廣靈滋水下流北入于桑乾與出行唐之滋水有別是已沙滋二河北宋時尙南入衡水今北合唐河宋志景德元年北面都鈴轄閭承翰自嘉山東引塘河三十二里至定州醜而爲渠直蒲陰縣六十二里會沙河徑邊吳泊遂入于界河以達方舟之漕沙河與唐河通流蓋始於

今水經注卷三

七求恕齋

此其下流不入安平當在金元以後尙書地理今釋以沙河爲禹貢恆水段氏玉裁經韻樓集水經無沙河篇引戴氏震說以爲卽說文泝水俱考之不審禹貢恆水漢志云東入漣並不南入滹沱說文泝水自是入海大川與此泝水名同實異寰宇記行唐滹沱水出州西流至忻口而東出房山縣界其源自泝山下理所又云靈壽泝水經白羊山從行唐東過溫泉入房山界寰宇記已分代州泝河與定州泝水爲二不必強合

沙河之名始見於唐書郭子儀傳古時謂之滋水山

海經北山經高是之山滋水出焉而南流注于滹沱
澹水出焉東流注于河滋水卽此水也水有二源南
源出五臺縣東烏牛山去澹源絕遠北源出繁峙東
巖頭山山在茨溝營邊墻以外與太白山連麓卽高
是支山漢志南行唐牛飲山白陸谷滋水所出據南
源言之元和郡縣志靈邱滋水出縣西枚迴山據北
源言之二水下流合入滹沱故又有派水之名說文
水部派水出鴈門葭人戎夫山東北入海段氏玉裁
注卽滹沱之源通典滹沱水出繁峙縣東南孤阜山
寰宇記靈壽縣派水經白羊山山之
下有白石如羊頭角身足粲然逼真經行唐縣東過
溫泉入房山界也派水卽滹沱水白羊山在今平山
今水經注卷三
六求怨齋

縣西北百六十里溫泉在縣西四十里並滹沱所
經過行唐在靈壽東北記文經行唐縣四字有誤魏
書太祖紀慕容寶弟賀麟退阻派水通鑑注派水在
中山新市縣輿地志云盧奴城北臨澹水南面派河
此派水乃沙水因下流入派水上流遂通謂之派水
隋書地理志繁峙有滹沱水派水并其源亦目爲派
矣明一統志真定派河在阜平縣源發山西經縣界
南入滹沱河派水源發山西本之此志南入滹沱
河亦據唐宋
以前舊說水經澹水篇注無派水太平寰宇記安
喜派水下引云派水歷天井澤南水流所播爲澤俗
名爲天井淀此文出滹沱佚篇元和志安平派水今
名疆河西自定州義豐縣界流入義豐派水縣西二

十五里詳覈地形此水自天井澤以下折東北流至
祁州西又折東南流寰宇記所載亦同宋史河渠志
景德元年北面都鈐轄閻承翰自嘉山東引塘河三
十二里至定州醜而爲渠直蒲陰縣東六十二里會
沙河徑邊吳泊遂入于界河以達方舟之漕景德中
始引此水北流過博野合漣河入高陽清苑諸淀寰宇
記博野縣漣河在縣東南三十五里無派水元豐九域志失考本末以爲
漢時故瀆與班志恆水相近遂云行唐有常水輿地
廣記從而實之謂是禹貢之恆蔡沈書集傳引晁說
之傳云今之恆水西南流至眞定府行唐縣東流入

今水經注卷三

十九求恕齋

于茲水又南流入于衡水非古逕矣晁氏目驗此水
正流入滹沱惟支渠合漣因疑其辭金元以後川流
改易明史河渠志嘉靖十一年太僕卿何棟言眞定
鴨沙茲三河俱發源五臺會諸支水抵唐河藺家圈
合流入河間其時此水南派已絕一統志沙河至博野縣與茲河合
唐河至河間入衡水茲河至河間已合蔣氏廷錫尙書
唐河云入衡水者龔晁說而誤也
地理今釋據今沙河恆水至祁州界合茲水入于唐
水唐水卽漣水置晁說於不論可謂疏闊成氏蓉鏡
禹貢班義述云水經漣水篇又東南過中山上曲陽
縣北恆水從西來注之先言過上曲陽北然後言恆

水注之則恆水入滹當在今曲陽縣北酈注滹水又東逕左人城南又東恆水從西來注之又東逕中人亭南左人中人並在唐縣西北恆入滹在左人中人之間亦當在唐縣西北 大清一統志引舊志云有橫河在曲陽縣北源出恆山東南流入滹卽恆水與漢志水經合今釋蓋誤圖說以橫河水小仍主沙水由未知古時此水本不入滹也續漢書郡國志上曲陽恆山在西北劉昭補注有泉水隋志恆陽有恆山有恆陽溪泉水溪水皆小水之謂

易水又東至雄縣南爲瓦濟河溫義河來注之

今水經注卷三

源發易

州城西五迴嶺逕滿城縣北十里名大册河至清苑縣北十五里名徐河逕安肅縣西一十里至新安縣南八里與槽河合曹河出安肅縣南三十里入于徐河徐河合曹河曰溫義河又南與長流河合至雄縣南入瓦濟河

溫義河今名依城河於新安西南合長流河入淀經云易水東過安州城北與保定府境沙河合焉又東至雄縣南爲瓦濟河溫義河來注之敘次亦亂溫義河在豬龍河之北易水至淀東出無緣先合沙河明志新安南有曹河又有徐河經縣南合流爲溫義河又南與長流河合又東南入于瓦濟河依志說溫義河合長流河入淀卽入瓦濟河非至雄縣始入今易

水改從趙北口東入淀豬龍依城二河始合流至雄
縣會瓦濟河與前明不同長流河卽雷河源出易州
西南獨石岡徐河逕安肅縣西一十里畿輔地圖記
作在縣南四十里

至保定縣爲磁河過河閒府境任邱縣西六十里至獻
縣五里舖入于滹沱河

今易水自淀東出爲玉帶河亦名清水河經保定城
北又東北經霸州南合固安引河爲會同河又東北
爲中亭河至東安南合永定河入西沽明志固安西
南有拒馬河卽涑水源自代郡下流合易水爲白溝

今水經注卷三

王求恕齋

入三角淀任邱西北有瓦濟河下流爲五官淀注於
滹沱河明時易水於保定北分爲二派一東北流合
桑乾河爲會同河出苑家口匯三角淀一西南流合
磁河注五官淀又自淀南出至河閒北絕今滹沱河
支津南注獻縣入滹沱河經不云會同河以霸州以
東爲桑乾河正流也乾隆府廳州縣圖志任邱易水
故道在縣西北三十里自新安流入與雄縣分界又
東入文安縣界志所云乃東流一派與經不同磁河
在保定西南紀要云玉帶河在縣北遶縣東南入於
磁河

桑乾河源出大同府馬邑縣西北十里洪濤山下與金龍池水合

桑乾河古治水亦曰灤水源出朔州東南山陰西南雁門山支峰漢志所謂累頭山也今俗名黃水河其上源有二一出州東北馬邑鄉西北洪濤山一出州西南甯武東南管涔山北麓出管涔者曰灰河自陽方營西出邊城東北流合數小水至州南出洪濤者又有二源一爲洪濤泉自金龍池流出至馬邑城西一爲桑乾泉自州北流經東南二泉並南合灰河明志桑乾河發源太原之天池伏流至朔州馬邑雷山

今水經注卷三

三求恕齋

之陽有金龍池者渾泉溢出是爲桑乾據洪濤泉言也經云河出洪濤山下與金龍池水合以桑乾泉爲正源與志微異水經注洪源七輪謂之桑乾泉亦據洪濤泉爲說其東又有馬邑川水今不能定其爲何水提綱云灰河與洪濤水會而東北經馬邑縣城南又東北經山陰縣北有一水自西北來注之山陰北一水疑卽馬邑川水又東北會黃水河與注說合矣東流過渾源州北逕宣府保安州新城西南四十里洋河東南來注之洋河源出境外逕宣府城南五里東流逕保安州城西南一十里又東南入于桑乾河

桑乾河於應州北合渾河以下亦通謂之渾河東北經大同府南渾源州北至廣靈西北入宣化府境經蔚州北西甯南至保安州東南與洋河會洋河有東西二源東洋河卽古于延水亦曰修水出察哈爾右翼兆哈嶺曰兆哈河東南合七七哈那河爲東洋河自天鎮東北白陽口入邊城至萬全西南柴溝堡南合西洋河西洋河源出陽高西北邊外太僕牧地亦曰南洋河古鴈門水也自車石溝口入邊經縣北又經天鎮北懷安西北合東洋河二河既合東流合清水河又東南經府城南至州東北雞鳴驛入桑乾河

今水經注卷二

三 求恕齋

桑乾河又東經新保安堡南明志保安州舊城在西南山下景泰二年移於雷家站桑乾河在西南保安州新城卽此紀要桑乾河州西南四十里洋河州西南十五里並本此經一十里別本作一十五里又東入宛平縣境爲蘆溝河至看丹口分爲二派其一東流出通州高麗莊入白河

桑乾河經懷來西南自居庸關西沿河口入長城行山中經昌平州及宛平縣西境曲直二百餘里又東南出蘆溝橋下爲蘆溝河亦曰小黃河明志河初過懷來東兩山閒不得肆至都城西四十里石景山之

東地平土疏衝激震盪遷徙弗常元史名蘆溝曰小黃河以其流濁也今名永定河自良鄉東南流入固安境明志宛平桑乾河出蘆溝橋下又東南分爲二一至通州入白河一至武清小直沽合衛河入於海通州西有通惠河西南有渾河卽桑乾至州東張家灣俱合於白河又云東安南有鳳河卽桑乾分流南入三角淀灤縣有灤河一名新河東入於白河卽蘆溝之下流綜核衆說永定河舊瀆於蘆溝橋下東分一支由南苑海淀流出經通州西南至張家灣東北合通惠河入白河後又徙從灤縣村南爲灤河東入

今水經注卷三

孟求恕齋

白河後又南合鳳河至武清東南爲安沽港河入三角淀提綱鳳河元時渾河故道明時渾河南注奪琉璃河經流下達霸州其東流一道不復相通遂名鳳河經云出高麗莊入白河蓋猶據明初舊瀆矣

其一南流逕固安至武清縣小直沽入于衛河

今永定河自固安北折東南經永清北霸州東北東安南合中亭河過三角淀經武清東南合子牙河又東至西沽入白河又東南合運河明志成化七年霸州知州蔣愷言城北草橋界河上接渾河下至小直沽注於海永樂閒渾河改流西南經固安新城雄縣

抵州屢決爲害近決孫家口東流入河又東抵三角淀小直沽乃其故道請因其自然之勢修築堤岸永定河南流一支明初自固安入霸州至草橋合易水爲界河東經三角淀入小直沽後決固安故城村西南至茨村奪琉璃河入新城東境雄縣東北境轉流入霸州經城南合玉帶河爲會同河後又決孫家口徙歸故道乾隆府廳州縣圖志新城故渾河在縣東三十里自明以來遷徙無定 本朝順治十年水大漲由固安之故城村南決汎濫縣之東北下入雄縣康熙十一年復歸固安畿輔地圖記渾河達固安縣

境南分一支入新城縣東轉流入霸州一支順流又分壑復合流入霸州遠城東南名通濟河流入玉帶河記所據乃康熙二十三年河道新城一派尙是通流至三十七年開永定新河故城諸口始盡湮塞提綱云固安永清霸州時苦泛溢康熙三十七年始由良鄉之張家莊至東安之郎神河重開一道使昔之泛決固安以西與清水河合而南至新城霸州者今遷流入東由固安永清之北引流直出柳坨口三角淀以達西沽築長堤南北兩岸二百餘里遏其南趨使不與清水諸河會賜名曰永定河水患稍息今固

安南有引河分堃復合至霸州北又復分流經城東
西入會同河卽通濟河舊續經云逕固安至武清縣
小直沽亦據明初言之

今水經注卷三

美求恕齋

今水經注卷三